

水佛言二師出時弟子隨去時彼二師自持  
 枯座弟子隨後垂手而行佛言弟子門人應  
 持牀座隨逐而去時彼二師於經行處自為  
 灑掃弟子閑住佛言弟子門人若見其師執  
 掃箒時弟子代為令其安住若師被眾差為  
 灑掃人不代無過若被二師為針線作時弟

子閑住佛言應可代為勿令辛苦師被眾差  
 作縫衣者不代無過時諸弟子受業之時受  
 得業已即在師前而為誦習佛言受得業已  
 應離聞處在見處而為誦習其習定者受得  
 法已可向餘處靜慮安心若見二師為眾使  
 時亦應隨時相問代彼執勞若共二師出經  
 行時將座去者應可持還時彼弟子在前而  
 去師便在後遇有他事不得隨來佛言弟子  
 還時應問師曰師欲歸不若言歸者應持座  
 去若言未歸不須持座汝等苾芻如我所制  
 不依行者皆越法罪

根本說一切有部毗奈耶卷第二十八 而八

閃夫洩反 鄙卑美反 拒巨音 獵良反 麀鹿上音 諾法音

弭上如反 各反 中丘反 陂池上音 鼈必減反 齧五巧

戶下音 鑰音 屏除上音 靉隸愛二字音 雷霆下音

爵才約反 讎隙上音 酬下反 綖綖反 灑灑反 灑灑反 灑灑反

坐枯林反 聳息勇反 輒專音 洒灑洗濁音 舉入音

上音余 正作昇 箒 旬歲反

十八末

根本說一切有部毗奈耶卷第二十九 而九

唐三藏法師義淨奉 制譯

不舉敷具學處第十四之餘

尔時薄伽梵在室羅伐城逝多林給孤獨園  
 時有長者請佛及僧就舍而食于時有一少  
 年苾芻策勵身心修諸善品便作是念今日

乙

佛僧受請我不入城乞求飲食且當念誦待至臨中赴其請處作是念已便持坐物出於寺外詣一靜處權情作業時諸苾芻早去赴請鎖門而出詣施主家時念誦苾芻望時而入覩見寺門鎖閉已了便即生念我寧斷食不應棄僧坐物自招愆咎遂不赴請即便斷食彼諸苾芻食已迴還此苾芻亦相隨入寺乃至食勢尚存繫心善品食力既盡委脅而卧諸苾芻見問言具壽食是他物腹豈他耶汝何故貪食遂令飽悶善品廢修報言我不赴食何容飽悶時諸苾芻問其所以悉皆具告時諸苾芻聞斯說已以事白佛佛言苾芻不應早去赴請令他斷食應觀時節鳴健稚衆僧詳集相顧而去師主咸可觀已門徒知其去不若閉門已後苾芻來至有小床座應安樹下及以牆邊當赴食處不應造次輒爲斷食若無事斷食者得越法罪斷食者謂時絕食一日時有婆羅門居士來至寺中用僧坐物及至去

時棄在露地無人收舉致有損壞佛言若初見者即應收舉時有年老羸劣苾芻見僧坐牀棄在露地不能擊舉佛言老者應告授事人知其授事人應作敬心舉置牀座若不舉者得越法罪時有苾芻以僧敷具置於露地行乞食後有風雨來現在苾芻應可爲舉彼得食已憶念疾歸時有施主以敬信心於山林中造一住處時有獵師爲捕禽鹿縱燎原野其火炎盛徧燒村邑遂來燒寺時諸苾芻見火燒寺即便競入取白衣鉢於僧祇物無人爲收咸從火化施主聞已來至寺所問苾芻曰聖者物不燒不苾芻荅曰一不被燒有餘報曰但是僧物燒盡無遺施主曰僧物罄盡何言不燒苾芻曰我物不燒施主曰若僧祇物亦俱出者豈不善哉我久辛苦如割身肉減妻子分供養僧田冀望勝福云何仁等但收自物不顧僧祇作是嫌已捨之而去時諸苾芻即以此緣具白世尊世尊告曰若被

而九

二

燒時亦收僧物後於他日有餘苾芻被火燒寺聞佛有教令出僧物遂各棄已衣物收出僧祇自物並燒遂便廢闕佛言自闕惱重不並僧祇若被火燒先出已物後取僧祇復有遭火諸苾芻等咸出已物置在外邊入取僧物未出之頃所有衣物被賊盜將佛言既出

物已應使人看時諸苾芻遣強者看守弱者出物不能擎舉佛言令弱者看強者擎物時諸苾芻雖見盛火恐損僧祇便入取物遂被火燒佛言若火盛者即不應入物縱被燒此誠無過

時有施主於山谷中造一住處遭天大雨洪水瀰漫寺皆漂蕩時諸苾芻各出已物不顧僧祇事並同前但以水火為異廣說應知佛言如我所制不依行者得越法罪餘義如上不舉草敷具學處第十五

攝頌曰

南方二苾芻 兩村二住處 井邊染須草

經行稗瓦盆

尔時佛在室羅伐城逝多林給孤獨園尔時南方有二苾芻一老一少為禮佛故向室羅伐城在道日暮入寺寄宿時諸苾芻遙見老者告言善來大德即依次與房及卧具等其少年者但與其房而無卧具此少苾芻立性

而九

三

勤策多覓乾草立與膝齊用充卧物其老苾芻便作是念試觀少者卧物有不便往見彼草敷厚暖即作斯念我若明朝還僧卧具恐發行途應還卧具就此同宿即還卧具一處經宵至曉便去後有衆蟻依此草敷穿壞房舍時有長者請佛及僧就舍而食時諸苾芻於日初分執持衣鉢詣長者家世尊不赴令人取食有五因緣如前露地戒中廣說此時佛欲觀僧卧具并制學處由此為緣在寺內而住令人取食

尔時世尊衆僧去後便持戶輪徧觀寺中所 有房舍乃至寺外近住園林次至一房於其

室內見草狼籍多諸蟲蟻內外穿穴見已便念斯等房舍皆是信心婆羅門諸居士等自苦己身減妻子分奉施僧田以求勝福而諸苾芻受用之時不知其量不善守護遂令蟲蟻非分虧損世尊即便以神通力令土與蟻各在一邊便以網輪具足百福莊嚴勝妙兩手捧蟻徐出於其房外陰涼之地安置諸蟻令無損傷于時世尊灑掃室已收彼糞土棄於房外洗手足已入房宴默時取食苾芻持食既至如前廣說乃至尔時世尊食事既訖即出房外嚼齒木洗足已旋入房中宴默而住尔時世尊日晡晚時就如常座既坐定已告諸苾芻曰向者僧伽赴食之後我持戶鑰徧觀房舍隨所爲事皆具告知汝等苾芻諸有施主苦自己身施僧求福汝等不能如法受用虛損信施即說頌曰

於他信施物 知量而受用 自身得安隱 令他福德增

尔時世尊讚歎知足如法受用信施物已告諸苾芻廣說如前乃至我今爲諸苾芻制其學處應如是說

若復苾芻於僧房內若草若葉自敷教人敷去時不自舉不教人舉若有苾芻不囑授波逸底迦如是世尊爲諸苾芻制學處已時有

而九

四

衆多苾芻共諸賫旅人間遊行到一聚落日既將昏欲覓居止問一長者頗有宿處相容止不長者荅曰先立要契方可相容苾芻曰其要如何長者曰明於我舍受食方行報言長者我依賫旅事不自由行伴若停當受請食如其彼去我即隨行長者曰斯亦善哉便與停處苾芻白長者曰於仁舍中有卧具不報言無有時彼苾芻多有俗人及諸求寂共爲伴侶彼皆多覓乾草用充卧物積與膝齊一處同卧于時賫旅星夜發去苾芻見已棄草而行長者至明作如是念我觀苾芻若有住者當爲辦食不覩苾芻見草狼籍時彼長

者夫婦二人屏除亂草幾將半日此是緣起  
猶未制戒復有衆多苾芻隨諸賫旅行至此  
村詣彼長者求覓宿處長者報言共立要契  
方可容宿苾芻曰其要如何長者曰不取乾  
草爲卧物者可隨意住苾芻問言長者舍中  
頗有眠卧具不報言無有苾芻曰堅鞭之地

若爲安寢長者曰聖者先有仁等同梵行人  
投我寄宿多聚乾草非分狼籍令我夫婦收  
除亂草半日艱辛爲此今時共爲要契時諸  
苾芻夜受辛苦明發便行漸次而去至室羅  
伐苾芻見之慰問安不報言何有安隱彼問  
其故報云於一村中不許草卧但眠鞭地辛

而九

五

苦通宵苾芻問曰汝於何村受此辛苦報言  
於某處村問曰寄宿誰家荅曰某長者宅一  
人報曰我曾彼宿安隱草敷汝有何辜獨遭  
鞭地苾芻問曰所眠之草誰爲收除報曰我  
天曉已自涉長途我來之後彼當屏棄苾芻  
報曰由斯惱亂彼致譏嫌遣我通宵鞭地而

卧時諸苾芻以此因緣具白世尊世尊告曰  
雖在俗舍用草敷時亦應除棄聞佛教已時  
有衆多苾芻隨逐賫旅人間遊行至一聚落  
中有長者爲沙門婆羅門等故造一客舍遠  
求軟草以充敷具時諸苾芻於此宿已並將  
其草棄糞穢處各趣長途長者至天曉已往  
問苾芻但見其草棄不淨地不可重收因生  
嫌賤

復有衆多苾芻隨諸賫旅行至此村指彼長  
者求覓住處長者報言我有福舍隨情居止  
苾芻問曰頗有多少眠卧具不荅言無有苾  
芻報曰我等如何卧堅鞭地長者荅曰聖者

我爲行客沙門婆羅門等造此福舍我從遠  
處求覓軟草用擬供承諸寄宿客昔有仁等  
同梵行者來此寄宿至天曉已咸將軟草棄  
不淨中若更欲求卒不可得時諸苾芻便於  
鞭地辛苦經宵時此苾芻漸次遊行至室羅  
伐彼諸苾芻問言行李安不報言眠卧鞭地

何有安樂問言於何處宿受此辛苦報言於某村福舍苾芻報曰我曾於彼福舍中宿所有卧草且並棄之荅曰由汝棄草致生嫌賤遂令我等鞭地而眠時諸苾芻即以此緣具白世尊世尊告曰所卧之草白施主知若云棄者即應除棄若云留者隨語應留若違言

者得越法罪於一聚落有僧住處於此寺中卧具寡少時諸苾芻為供客故遂於遠處求卧具草安一房中時有衆多苾芻人間遊行來至此寺問主人曰我欲投宿頗有多少卧具物不苾芻報曰此寺先貧無好卧具我為客故遠求軟草必不嫌者隨意止宿彼既宿

而九

六

已欲棄草敷主人報曰我為客故遠求此草實是難得無宜輒棄客苾芻曰仁等無知自身犯罪欲令我等亦犯罪耶作此責已即便取草棄外而去致令爛損後有衆多苾芻遊歷人間遇至此寺欲求寄宿問有卧具不主人荅曰此無卧具我為客故遠求軟草前有

苾芻來此投宿所有草蓐並欲收棄我等不聽不肯隨語反相責數並棄而行故於今時更無可得彼便地卧天曉便行至逝多林諸苾芻見共相問荅廣說如前乃至我於彼宿強棄其草荅言由此緣故來寄宿者備受艱辛時諸苾芻以事白佛佛言此不應棄若有苾芻囑授而去遺棄方棄廣說如前若異此者得越法罪

復有衆多苾芻共諸賫旅人間遊行過至井邊即便止宿時諸苾芻多以乾草而為敷具去此不遠有婆羅門宿時諸賫旅曉便發去苾芻婆羅門咸留草敷俱隨賫旅道逢賫旅

從遠而來時婆羅門逢彼賫人所求之事皆得稱心即共賫人返跡而去至前井處便為宿止于時有諸露形外道於苾芻宿處便為安止時露形者共相告曰不知何物齧我身體餘者報曰汝於昨日多噉酒糟惡欲尋思共相齧齧持火來看見有衆蟻便作是語誰

而九

七

無智人曾於此宿去時不解舉此草敷時婆羅門聞而報曰前有釋子於此宿去露形罵曰沙門釋子於諸人中自云有智停宿之處不舉草敷婆羅門曰沙門釋子不斷殺生隨處即眠不作觀察去斯不遠有鄔波索迦聞此說時默然而記後至苾芻住處具以事告諸苾芻白佛佛言雖居曠野亦舉草敷時諸苾芻聞是教已復有苾芻隨逐賫旅至蘭若村便爲止宿多用乾草以爲卧具賫旅夜發苾芻棄草時節遲晚不及賫人在後而行便遭賊劫漸次方至逝多園林苾芻見已共相慰問行李安不報曰我被賊劫何有安隱問其何故以事具陳時諸苾芻白佛佛言雖在蘭若其草不應散棄可聚一邊隨意而去汝諸苾芻如我所制不依行者皆越法罪時諸苾芻爲洗衣事於日光處布諸乾草以曬衣服草不收舉蟲蟻多生佛言洗衣既了其草須棄復有苾芻爲洗衣故勸留其草時

彼苾芻不受其語遂便棄擲佛言餘有所須即不應棄應與彼人後曬衣已不肯收棄云非我草佛言前與後時應問彼曰草若用訖汝能棄不若言能棄應可與之若云不能即不須與時有經行之處其地堅韌令足傷損佛言應布軟草勿令傷足彼布草已蟲蟻便生佛言應棄彼日日棄妨廢正修佛言不應數棄時可觀察若捨去時當須摠棄又經行處有設供事須草稊坐同前致蟻佛言應以繩繫掛在樹枝又經行處以瞿昧耶安在地上蟲蟻因生佛言安破瓦中勿令其濕尔時世尊讚歎持戒及尊重戒少欲知足已告諸苾芻前是創制此是隨開若有難緣不須囑授是故我今爲諸苾芻制其學處應如是說若復苾芻於僧房內若草若葉自敷教人敷去時不自舉不教人舉若有苾芻不囑授除餘緣故波逸底迦

若復苾芻者謂此法中人餘義如上僧房者

而九

八

謂是如來弟子住處於中堪得爲四威儀行  
住坐卧敷具者謂若草若葉若自他敷不自  
舉去者謂離勢分時具壽鄔波離白佛言世  
尊未知齊何是敷具勢分佛言如生聞婆羅  
門種樹之法廣說如上四十九尋是名敷  
具勢分及五種囑授乃至徧觀四方藏其戶  
鑰並廣說如上若有苾芻不囑授者謂有苾芻  
而不告語除餘緣故波逸底迦亦如上說此  
中犯相其事云何若苾芻於僧住處若草若  
葉自敷教人敷不舉而去有人不囑授乃至  
未離勢分已來得惡作罪若離勢分便得墮  
罪若苾芻初去之時忘囑其事在路憶得或  
時在路逢見苾芻或到前任處方始憶得或  
到住處見有苾芻以事相囑心念口言並廣  
如上說草敷有二種壞謂風及蟻風壞謂是  
風吹草卷蟻壞謂是蟻穿草穴若苾芻於日  
暮時在僧房中安草敷具若夜若晝時時觀  
察若壞不壞得罪輕重廣說如上若在甄輓

地或在沙石中無蟲蟻處布以草敷設不敷  
看此皆無犯又無犯者謂最初犯人或癡狂  
心亂痛惱所纏

強牽苾芻出僧房學處第十六

尔時佛在室羅伐城逝多林給孤獨園尔時  
具壽鄔陀夷至彼衆多少年苾芻處勸喻之

而九

九

曰汝等共我人間遊行降伏他宗自獲名稱  
汝等所欲讀誦禪思及衣食利皆令無關時  
諸少年聞斯勸已各各自詣阿遮利耶鄔波  
馱耶所白言我今請問二師欲往人間隨意  
遊涉彼師問曰汝欲共誰以爲伴侶報云大  
德鄔陀夷共我爲伴彼師報曰具壽彼人惡  
性當惱於汝復白師曰大德鄔陀夷善言勸  
喻事同父母豈當惱亂時彼少年不受師言  
共鄔陀夷決意而去時鄔陀夷將諸少年出  
界外已報言具壽汝等豈得無有依止遊歷  
人間即並喚來令其長跪教說依止方共前  
行或以三衣袋與之令負或與鉢盂或與雜



袋或與君持淨器或與常用觸瓶或與錫杖或與皮鞋所有資具悉令擎去自垂兩手著上下二衣調弄諸人隨路而去至一聚落近大井邊與諸門徒共為憇息此聚落內有毗訶羅於日晡時便鳴犍稚諸人聞已白鄔陀夷曰阿遮利耶寺鳴犍稚我等往看報言具

壽此或多是黑鉢之類懶修善品鳴稚集僧欲有作務我等既疲道路誰能執作門徒荅曰阿遮利耶此或容是分物犍稚我及界者合得其分如軌範師衆所知識有大福德財利易求我等少年誰當見施今欲入寺觀彼何緣師便告曰隨汝意去若有利者亦取我

分少年入已問寺諸人云是分卧具犍稚主人見來即便報曰具壽汝請卧具報云我有尊師亦當見授問曰彼復是誰荅曰阿遮利耶鄔陀夷主人曰彼亦受取即摠授之時鄔陀夷於彼井邊多聚人物為其談話問諸人曰此是誰村此是誰寺此是誰塔此是誰園

林井浴池牛羊之屬目覩皆問彼便具荅時諸少年共相議曰阿遮利耶何故來晚遂相告曰作其常事於師卧處皆為敷設濯足水塗足油安在一邊各自洗足入溫堂中誦所持經隨處眠卧時鄔陀夷既見日暮方入寺中四顧無人遂便大喚具壽具壽諸人出看

而九

十

告言大德鄔陀夷何故非時來入寺內大聲叫喚如牧牛人荅主人曰我有少年在前而入恐有病患是故高聲少年聞已告言阿遮利耶因何大喚在彼房中敷設卧具洗塗足物並已具安可往彼卧怒而告曰汝等白誰為洗足等事荅言軌範來遲我等更相告白便自洗足報云汝可出寺誰能與汝不恭敬無怖懼懈惰之輩作依止師耶即便強驅令出彼居露地寒苦通宵既至天明俱申言敬白言阿遮利耶我欲辭去鄔陀夷曰具壽汝等何去荅言還室羅伐報云且任我當與汝瞻病所須荅言師主我本無病仁遺病生況

復有病而能瞻養遂便棄去還逝多林時鄔陀夷亦復隨逐漸至給孤園時諸苾芻見少年者至唱言善來具壽行李安不報言同梵行者何有安樂聖者鄔陀夷驅我令出通宵寒苦僅得存生問言何故諸少年者具以事白少欲苾芻聞是事已共生嫌賤云何苾芻驅他苾芻出僧房外故相惱亂以此因緣具白世尊世尊集僧問鄔陀夷曰實作如是驅遣苾芻夜出房不白言實尔大德世尊種種訶責廣說乃至為諸苾芻制其學處應如是說若復苾芻瞋恚不喜於僧住處牽苾芻出或令他牽出者波逸底迦

而九

十一

如是世尊為諸苾芻制其學處佛在室羅伐城逝多林給孤獨園時有苾芻居士窟房時此苾芻身嬰疾患天欲將雨五色雲興諸苾芻見報言具壽宜可急出天將大雨恐土房崩時彼病重不能自出時諸苾芻懼犯戒故不敢扶出天既洪雨土窟遂崩壓彼病人因

斯命過佛言有此難緣應當牽出告諸苾芻前是割制此是隨開重制學處應如是說若復苾芻瞋恚不喜於僧住處牽苾芻出或令他牽出者除餘緣故波逸底迦若復苾芻者謂鄔陀夷餘義如上僧住處者謂佛弟子所住之處牽出者或言驅出或以手牽自作使人除餘緣者謂除難緣墮義如上此中犯相其事云何若苾芻以瞋恚心於僧寺中若自驅牽若他驅牽此法中苾芻令其出者皆得墮罪遇八難緣並皆無犯又無犯者謂最初犯人或癡狂心亂痛惱所纏強惱觸他學處第十七

佛在室羅伐城逝多林給孤獨園尔時具壽鄔陀夷至彼眾多年少苾芻處勸喻之曰汝等共我人間遊行降伏他宗自獲名稱少年各往諮白師主欲去遊行廣說如前乃至夜入寺中發聲大喚遣令開戶彼既卧已不肯為開時鄔陀夷即便脚踏門扇遂令温堂震

動時諸少年共相議曰可與開門彼有大力恐當損壞衆僧堂舍遂與開門彼便即入於少年牀上縱身而倒或有傷腹或有損腰或有損足告言阿遮利耶我痛我痛告云若嫌痛者自當出去少年議曰此有大力若不出者當斷我命即便俱出露地而卧於一夜中

備受寒苦既至天曉白言阿遮利耶我今欲去問曰何之報言向室羅伐城報云且住我當與汝瞻病所須廣說如前乃至到室羅伐城具告苾芻苾芻白佛佛訶責已告諸苾芻我今爲制學處應如是說

而九

十二

來於中故相惱觸於彼卧具若坐若卧作如是念彼若生苦自當避我去波逸底迦若復苾芻者謂鄔陀夷餘義如上知者謂了其事苾芻先此處住者謂此法中人先在此中而爲止宿後來於中等者謂是縱身強爲坐卧彼嫌苦痛者謂被惱不樂也自當避我

去者謂以此爲緣不由餘事波逸底迦義如上此中犯相其事云何若苾芻了知其事如向所說乃至避我去者皆得波逸底迦

攝頌曰

麀食及好食 寒熱瓦盆利 禪誦怖有無 因斯共相惱

尔時佛在室羅伐城逝多林給孤獨園時具壽鄔陀夷至彼衆多少年苾芻處而勸喻曰汝等共我人間遊行廣說如上將諸少年投寺寄宿乃至各自洗足入温堂中共相謂曰我於今日嗽麀惡食氣力稍劣應可禪思即便跏趺繫念而在鄔陀夷夜入寺中發聲大

喚具壽時少年者聞其喚聲報云阿遮利耶我等在温堂中端心禪寂遂便入堂而告之曰具壽豈不佛說諸無知者不應修定宜應且起誦習尊經遂遣通宵冷地而坐強使誦經時諸少年既受辛苦曉而告曰阿遮利耶我欲還歸問言欲向何處荅言向室羅伐報

而九

十三

云且住我當與汝瞻病所須答云師王我本無病仁遣病生況復有病而能瞻養遂棄而去乃至給園廣說如上苾芻聞已具白世尊乃至告諸苾芻若苾芻故惱他苾芻者皆得墮罪又緣起同前於中別者乃至時諸少年共相謂曰我等今日噉精妙食氣力豐足應可房外隨意誦經即便習誦乃至鄔陀夷見告言具壽豈不佛說若不習定智慧不生應入溫堂坐禪繫念遂令通夜加趺而坐身體疲倦既至曉已還逝多林乃至佛告諸苾芻若苾芻故惱他苾芻者皆得墮罪又緣起同前於中別者乃至時諸少年苾芻共相謂曰具壽今時稍寒共入溫室可爲止宿遂便入宿鄔陀夷見告言具壽何故入室白言時寒入室暖報云具壽汝熱處宿恐染黃病汝等多人若其病者我獨云何能爲瞻侍汝可急出遂令露地而住冷水徧灑以扇扇之至明不睡至天曉已還逝多林乃至

佛告諸苾芻若故惱他者皆得墮罪又緣起同前於中別者乃至少年共相告曰今時極熱共入踈堂可爲止宿即便入宿鄔陀夷見告言具壽何故踈室而卧白言時熱此處極涼報云汝涼處卧或觸風得病或痰癢傷寒我復何能供侍汝等遂便入室摠閉諸窻爲然炭火房門急掩毛絨通覆縱身坐壓令彼通夜不得眠睡至天曉已還逝多林乃至佛告諸苾芻若故惱他者皆得墮罪又緣起同前時鄔陀夷勸諸少年人間遊行若隨逐行者皆被惱亂無復一人共之爲伴遂便單已遊歷人間遇至一寺於此寺中無大小行處時諸苾芻夜有所須各安瓦盆至天曉已於外棄之寺內苾芻共知鄔陀夷是惡行者竟無苾芻喚入房宿便作是念此諸黑鉢不共我言於今夜中自解躡頓即便旋昇蹋道至第三層見有瓦盆在處安置便作是念此復豈是破瓦等耶遂以足指夾棄於外

苾芻夜起欲大小便覓彼瓦盆無一可得遂於上層通水之處棄其不淨及至天明諸信心輩梵志居士來入寺中禮拜虔誠巡觀房宇時鄔陀夷告諸人曰汝等當觀黑鉢之類恒爲惡行穢污僧田於寺上層棄其不淨諸俗人等聞生嫌賤時諸苾芻具以白佛佛言

若諸苾芻故心惱他者皆得墮罪

又緣起同前時鄔陀夷既無伴侶獨遊人間至一寺所時諸苾芻知其惡行竟無一人喚入停息鄔陀夷即作是念我今宜可別設方便惱彼寺僧令諸黑鉢知我鄔陀夷是難欺人即便多服瀉藥在溫堂中隨處便利如世

尊說諸有病者應須瞻侍寺中所有耆老苾芻皆來問疾問言四大何如荅曰因弱時老苾芻暫相問已即便欲出報云老宿可任片時彼既暫留即還欲出如是至三者年報曰鄔陀夷汝欲故心惱亂於我荅曰我入寺內仁不共語暫時佇立何事辭勞苾芻白佛佛

言若諸苾芻故心惱他者皆得墮罪

又緣起同前廣說如上乃至鄔陀夷到一寺中多有苾芻修習靜慮時彼諸人知鄔陀夷是惡行者無人共語時鄔陀夷見斯事已生惱害心然此寺院始起半功時鄔陀夷便往詣彼造寺人處報云長者既有信心造寺何

而九

十五

不早成豈不佛說

若勤修善時 罪惡心不起 於福不勤者

心便造諸惡

長者聞已告苾芻曰聖者我今多有財物此處匠者卒不可求報云長者世尊有教若營作處苾芻助成長者曰若共助成斯爲甚善

鄔陀夷曰我當相助即便歸寺打犍稚已自爲作業如佛所教若聞犍稚衆僧應集衆旣摠集見鄔陀夷自擎輒擊時諸苾芻亦共擎持悉皆竟日執作不休共相謂曰具壽昔來此寺皆勤習定豈謂今日盡共營勞我等捨茲詣室羅伐彼諸舊人見客苾芻至各唱善

來告言具壽我聞彼寺皆並修禪久願往彼  
 隨喜相見仁有何事廢修靜慮得至此耶客  
 苾芻報曰往時彼寺皆勤習定至於今日盡  
 共營勞問曰何意如此荅曰由鄔陀夷遣令  
 如此具以事告時諸苾芻以事白佛佛言若  
 諸苾芻故心惱他者皆得墮罪又緣起同前  
 乃至鄔陀夷到一寺中多有苾芻誦習為業  
 見鄔陀夷皆不共語寺未成就廣說乃至告  
 彼寺主令諸苾芻盡日營作皆捨而去往至  
 給孤園苾芻白佛佛言得罪同前  
 又緣起同前乃至鄔陀夷到一寺中當余之  
 時寺有賊怖時諸苾芻見鄔陀夷來知其惡  
 行皆不共語時鄔陀夷見是事已遂相惱亂  
 至日暮時大開寺門當闔而立時授事人報  
 云大德勿當門立我欲掩扉荅曰汝之房戶  
 自可牢閉大衆之門何干汝事時諸苾芻通  
 宵大怖不得睡眠苾芻白佛佛言故心惱他  
 皆得墮罪

又緣起同前乃至鄔陀夷到寺中寺無賊怖  
 夜多開門時苾芻出寺便利時鄔陀夷見其  
 不語便生忿怒遂牢閉其門當闔而卧時諸  
 苾芻夜須便利報云大德勿復當闔我出便  
 利荅言具壽於汝房中穿牆而出我行疲極  
 誰能為起時諸苾芻既無出處或在簷前或  
 門屋下或水竇處或在中庭而棄不淨至天  
 明已諸信心者入寺禮拜時鄔陀夷見而告  
 曰仁等看此黑鉢之類每於寺中糞穢狼籍  
 仙人居處豈合如此作是語時令諸俗徒共  
 生嫌賤諸苾芻白佛佛言若苾芻故心惱他  
 苾芻者皆得波逸底迦罪又無犯者謂最初  
 犯人或癡狂心亂痛惱所纏

十六末

根本說一切有部毗奈耶卷第二十九 而九

策勵上楚責反燎力照反火炎下音淋漫上音  
 莫半稔之閏鞭吾更反辜孤音齧上音絞下音曬下音  
 所賣丘例僅渠鎮反壓音痰癢上音躑於禁反

頓上音擊下音闍苦本反

根本說一切有部毗奈耶卷第三十 而十

唐三藏法師義淨奉 制譯

故放身坐卧脱脚牀學處第十八  
尔時薄伽梵在室羅伐城逝多林給孤獨園  
時具壽鄔波難陀至彼衆多少年苾芻處勸  
喻曰汝等共我人間遊行必當降伏他宗自  
獲名稱汝等若欲讀誦禪思及以衣食病緣  
所須皆令無闕時諸少年雖聞此勸共知鄔  
波難陀稟性惡行不堪共居竟無一人許共  
同去時有乞食苾芻聞其覓伴遂告鄔波難  
陀曰我共大德人間遊行有同行人報乞食  
者曰此鄔波難陀爲人惡行汝今隨去必遭

惱觸遂報同梵行者曰我滿十夏不依止他  
亦不就彼求受學業彼於我處欲何所爲知  
識報曰不相用語後自當知不受勸言遂與  
同去出至界外時鄔波難陀報云乞食者汝  
可爲我擎持衣袋吾年衰朽且宜相助乞食  
者荅曰大德豈可不見佛法僧寶勝妙福田

持以奉施而多畜此生惱物耶報乞食者曰  
我遣擎物汝不肯持亦未乖理然汝非我二  
師輒相訶責斯豈合耶時鄔波難陀便作是  
念此乞食者未須與語且忍共去後自當知  
遂漸遊行至一聚落即於林外詣井池邊俱  
共憩息村中有寺打犍椎聲時乞食者既聞  
聲已報言大德寺鳴犍椎我欲往看報言具  
壽此乃多是黑鉢之類嬾修善品鳴椎集僧  
別有作務我等既疲道路誰能共彼執作乞  
食者曰或是分利犍椎我既及界理合得之  
鄔波難陀曰汝宜可去若是分利犍椎者亦  
取我分荅云如是遂至寺中問知乃是分卧